

Croeso i'n cylchlythyr, a fydd yn sicrhau bod staff yn cael gwybod am y datblygiadau diweddaraf ar draws yr amryw brosiectau gwych sy'n mynd rhagddynt yn Sir Benfro.



COED 2 A CYNNAL A CHADW GERDDI

Dai Brock, Rheolwr Safle

Mae'r amser wedi hedfan yn gyflym ers ein cylchlythyr diwethaf; serch hynny, mae'r timau Coed 2 a Chynnal a Chadw Gerddi wedi bod yn gweithio'n galed gyda'u prosiectau parhaus.

Newyddion ardderchog! Mae'r siop fferm newydd yn Scolton bron iawn wedi'i chwblhau ac ar agor am fusnes. Mae hon yn gamp wych gan yr holl gyfranogwyr ac fe'i cwblhawyd mewn pryd ar gyfer tymor yr haf. Gweler fwy am hyn yn yr erthygl nesaf.

Prosiect Adnewyddu'r Rheilffordd a Platfform

Mae rheilffordd a phlatfform Scolton yn barod erbyn hyn ac ar agor i'r cyhoedd fwynhau profiad a hanes y rheilffordd.

Hoffwn ddiolch yn bersonol i bawb yn y tîm am eu gwaith caled a'u hymroddiad i'r prosiect hwn. Maent



wedi mynd yr ail filltir dro ar ôl tro i sicrhau'r canlyniad llwyddiannus hwn. Maent wedi bod yn gweithio ym mhob tywydd y gellid ei ddychmygu trwy gydol y prosiect; rydym wedi cael glaw, eirlaw, eira, taranau a mellit a hefyd ychydig o heulwen o bryd i'w gilydd.



Ni fu'n rhwydd ar brydiau ond fe ddylech chi i gyd fod yn falch iawn ohonoch chi eich hunain a'r hyn yr ydych wedi'i gyflawni.

Pentref Scolton

Mae'r tiroedd o gwmpas Maenordy Scolton bellach wedi blodeuo'n llawn ar gyfer yr haf ac yn edrych yn syfrdanol. Mae hyn eto wedi digwydd o ganlyniad i'r holl waith caled gan bawb sydd wedi chwarae rhan. Rwy'n siŵr y byddwch chi i gyd yn cytuno bod y tîm yn llawn haeddu canmoliaeth.

Wrth i ni adfer o COVID -19 a dychwelyd at ryw fath o normalrwydd, byddwn yn agor mwy byth o gyfleoedd ar gyfer cyflogaeth neu swyddi gwirfoddol ar ein prosiectau i bobl a all fod â nam neu wahaniaeth sy'n creu rhwystr i gyflogaeth.

Y Felin Goed



Ym mis Awst bydd antur newydd gyffrous yn dechrau. Gyda'r gwaith sylfaenol wedi ei gyflawni bellach ar Felin Goed newydd Talog, yn awr bydd y tîm yn dechrau prosesu coed defnydd o'r rhaglen 'Gwywiad Coed Ynn.' Mae hyfforddiant ar ddefnyddio peiriannau'n ddiogel wedi dechrau'n barod a bydd gweithgareddau hyfforddi a datblygu parhaus yn digwydd dros fisoedd yr haf. Ariannwyd Melin Goed Talog â grant gan Lywodraeth Cymru er mwyn creu swyddi cynaliadwy i unrhyw un sydd â chyflwr sy'n cyfyngu ar ei allu i weithio neu'n wynebu rhwystr i fynediad i waith.



Make, Grow & Eat! Gwneud, Tyfu & Bwyt!

MAENORDY SCOLTON - GWNEUD, TYFU & BWYTA

Nigel Bevans

Fe agorodd y siop fferm (gwneud, tyfu a bwyt) ei drysau ar ddiwedd mis Mai ac mae wedi gweld cwpl o wythnosau prysur ac wedi cael llawer o adborth cadarnhaol. A hithau wedi'i lleoli gyferbyn â Chaban Signalau'r hen drên stêm yn Maenordy Scolton, rydym yn disgwyl y bydd llawer o bobl yn ymweld â ni dros fisoedd yr Haf, yn enwedig pan fydd mwy o atyniadau ar agor, a mwy o bobl yn dod i wybod am ein lleoliad. Cafodd y siop ei hadeiladu gan dîm Dai Brocks yn gynharach yn y flwyddyn. Er gwaethaf y tywydd oer, anrhagweladwy a gawsom ar ddechrau 2021, fe ddalio'n nhw ati gyda'r gwaith felly diolch yn fawr iawn i Dai a'i dîm.

Mae'r siop yn cael ei rhedeg gan ein gweithwyr cynorthwyol, mae gyda ni staff sydd ar gyflogaeth â chymorth a hefyd gwirfoddolwyr sydd wedi bod yn gweithio'n galed iawn ers yr agoriad yn helpu i sefydlu'r siop ac yn arfer â'r ardal newydd, fwy. Diolch yn fawr eto i bawb sydd wedi bod yn cymryd rhan.

Rydym yn stocio ystod o grefftau sydd wedi cael eu creu gan rai aelodau o'n tîm yn y Diwydiannau Norman. Rydym yn stocio rhai o gynnyrch gardd furiog Maenordy Scolton ei hun gan gynnwys Mêl

Maenordy Scolton. Gallwch hefyd ddarganfod ystod o eitemau wedi eu cynhyrchu gan fusnesau bychain lleol Sir Benfro, megis celf cerrig mân, cynfasau, mygiau a llawer mwy. Rydym yn gweini amrywiaeth o fyrbrydau, diodydd a hefyd ystod o nwyddau wedi eu pobi'n ffres o Ystafell De Edie. Rydym hefyd yn gwerthu tocynnau tymor Maenordy Scolton sydd yn fargen dda os ydych chi'n mynychu'r ystâd yn rheolaidd.



Byddwn yn cynnal amrywiaeth o ddigwyddiadau dros yr Haf i'ch cadw'n brysur hyd yn oed ar y diwrnodau glawog hynny! Yn ddiweddar, fe gynhaliom ni ein diwrnod ar thema Môr Ladron fel rhan o'r Sioe Theatr 'Treasure Island' i fyny ger y Maenordy. Roedd y digwyddiad yn ddiwrnod arbennig i bawb a bydd llawer mwy o ddigwyddiadau tebyg yn cael eu trefnu dros y misoedd nesaf. Cadwch olwg ar dudalennau Facebook Maenordy Scolton a'r Diwydiannau Norman am ragor o wybodaeth.

Rydym yn bwriadu cynnal agoriad swyddogol yn ystod yr haf lle bydd y siop yn cael enw newydd sef 'Siop yr Orsaf' felly cadwch olwg am hynny...



CAFFI MAN CWRDD

Marty Andrews

Mae'r Man Cwrdd wedi lansio bwydlen haf gyffrous sydd yn cynnwys lemonêd cartref, smwythod, salad reis ffrwythog, a bagenion ar gyfer prydau i'r teulu. Cafodd y fwydlen newydd a chynllun bwydlen 'grwfi' newydd eu dylunio gan Dan a Steff ac fe wnaeth Aaron dynnu lluniau i ddangos y seigiau a gaiff eu paratoi gan Steff a'r tîm. Darparodd Dan gymorth gyda'r cyfryngau cymdeithasol ac fe lansiwyd y fwydlen newydd ym mis Mehefin. Mae'r adborth gan y cwsmeriaid wedi bod yn rhagorol gyda llawer o ymweliadau dychwel yn helpu i gynyddu gwerthiant.



(llun: ein bwydlen haf)

Rydym hefyd wedi croesawu tri gwirfoddolwyr newydd i'r Man Cwrdd, sef Melissa, Cameron a Shannon. Maen nhw wedi ymgartrefu'n dda ac wedi dechrau datblygu eu sgiliau coginio a sgiliau gwasanaethau cwsmeriaid yn y gobaith o allu symud ymlaen i weithio yn y Caffi Cyfle yn Hwlfordd pan fydd yn agor.

(llun: Cameron yn gorffen ei gacen gaws).





YSTAFELL DE EDIE'S

Marty Andrews

Roedd Ystafell De Edie yn brysur iawn yn ystod hanner tymor Sulgwyn ac mae wedi lansio gwasanaeth cynllunio digwyddiadau newydd i helpu cwsmeriaid i ddatblygu trefniadau arlwyo pwrpasol ar gyfer eu digwyddiadau ac achlysuron pan fydd pobl yn dod ynghyd. Mae Maenordy Scolton hefyd wedi cael trwydded i gynnal seremonïau priodas sifil ac rydym yn rhagweld y bydd llawer o gyfleoedd i ddarparu ar gyfer y rhain a digwyddiadau eraill.



Fe wnaeth Ystafell De Edie gynnal barbeciw yn ystod y perfformiad diweddar o Treasure Island i'r ymwelwyr ei fwynhau.

Yn ffodus roedd y tywydd yn braf!

Rydym bwriadu i'r barbeciws fod yn ddigwyddiad cyson yn ystod yr haf.

(Ilun: Cerys yn ailgyflenwi'r barbeciw ar gyfer yr egwyl yn ystod y sioe).



CAFFI ATGYWEIRIO

Marty Andrews

Ers lansio ym Maenordy Scolton ym mis Mai rydym bellach wedi cynnal tri digwyddiad gan atgyweirio dros dri deg o eitemau a'r rheiny'n amrywio o gribiniau gardd i dorwyr gwrychoedd trydan, llieiniau bwrdd a pheiriannau Vax. Rydym wedi sefydlu criw medrus o 'atgyweirwyr' ac mae'r neges bellach ar led yn y gymuned.



Mae'r Caffi Atgyweirio ym Mharc Maenordy Scolton yn digwydd ar yr ail ddydd lau o'r mis o 1pm-4pm. Ar hyn o bryd rydym yn cynnig apwyntiadau er mwyn cadw pellter cymdeithasol, ond wrth i gyfyngiadau gael eu llacio bydd y rhain yn newid yn ddigwyddiadau 'galw heibio'.

Mae rhannau eraill o Gylch Sir Benfro wedi cynnal digwyddiadau yng Nghrymmych, Tyddewi, Abergwaun a Threletert ac mae rhagor ddigwyddiadau yn Aberdaugleddau, Doc Penfro a Hwlfordd yn yr arfaeth ar gyfer y misoedd nesaf.

Ewch at pembrokeshirecircle.org i gael rhagor o fanylion am y caffï atgyweirio.





Gill Nunnery

Rydym wedi gweld cynnydd enfawr yn nifer yr atgyfeiriadau dros yr wythnosau diwethaf sydd yn newyddion gwych i'r prosiect. Mae rhain yn gymysgedd o gyfranogwyr sy'n chwilio am hyfforddiant, cyfleoedd i uwchsgilio a chymorth i gael swydd unwaith eto. Mae cyrsiau hyfforddi'n rhedeg yn amlach nawr a ninnau'n raddol yn dod allan o'r cyfnod clo ac mae darparwyr hyfforddiant yn gallu darparu hyfforddiant ond gyda niferoedd is er mwyn cydymffurfio â rheolau COVID.

Rydym yn dal i weithio ochr yn ochr â phrosiectau cyflogaeth eraill o fewn Cyngor Sir Penfro, yr Adran Gwaith a Phensiynau a Gyrfa Cymru i hybu atgyfeiriadau newydd, mae mentoriaid wedi dechrau gweithio yng Nghanolfan Byd Gwaith Hwlfordd bob yn ail ddydd Mercher er mwyn gallu rhoi mwy o gefnogaeth i anogwyr swyddi i arddangos yr hyn y gall Gweithffyrdd ei wneud, ac er mwyn ymgysylltu â chyfranwyr sy'n mynychu yno, i gynnig cyngor a chymorth iddynt i'w helpu i gamu ymlaen.

Mae gan fentoriaid a Swyddogion Cyswllt Cyflogaeth bellach y cyfleusterau i ddechrau cwrdd â chyfranogwyr wyneb yn wyneb gan ddefnyddio ein desg sy'n ddiogel rhag Covid yn y swyddfa. Mae hyn yn gweithio'n dda ac cael budd mawr o weld pobl eto. Fodd bynnag, rydym yn dal i gymryd galwadau dros y ffôn, ar What's App ac ar lwyfannau rhithwir i ymgysylltu. Dylid e-bostio pob atgyfeiriad newydd i'r cyfeiriad employability@pembrokeshire.gov.uk lle byddant yn dal i gael eu brysbennu ar gyfer cymorth gan y prosiect perthnasol.

Hoffem hefyd groesawu'r tri aelod newydd i'n tîm sef Kath (gweinyddol) a Penny a Nirvana (mentoriaid) sydd wedi dechrau gweithio i ni yn ystod yr wythnosau diwethaf. Rydym yn dymuno'r gorau iddynt yn eu gwaith.



DIWYDIANNAU NORMAN HYFFORDDIANT, CELF A CHREFFT

Lee Adams

Mae hyfforddiant yn agor ei ddrysau fesul tipyn, gan gydymffurfio â'r canllawiau COVID cyfredol. Mae'r tîm wedi bod yn gweithio'n galed iawn i gyflenwi eitemau ar gyfer llawer o'n prosiectau gan gynnwys blychau pryfed a thai adar ar gyfer Siop yr Orsaf ac adnewyddu dodrefn ar gyfer ein prosiect Paul Sartori. Mae Paul Sartori ar agor erbyn hyn ac rydym bellach yn gweithio tuag at rywfaint o normalrwydd. Rydym yn bwriadu derbyn mwy o



wirfoddolwyr dros y misoedd nesaf, gan ddibynnu ar y canllawiau COVID parhaus.

Mae dosbarthiadau Mathemateg a Saesneg wedi dod i ben erbyn hyn ar gyfer gwyliau'r haf ac fe ddosbarthwyd tystysgrifau'n ddiweddar. Da iawn bawb a fynychodd y dosbarthiadau hyn (gweler y llun) – rydych wedi gweithio'n galed iawn.

Gyda'r cymorth gwych gan Sue, mae pawb yn y tîm Celf a Chrefft wedi bod yn brysur, yn cynhyrchu llestri gwydr prydfeth wedi'u peintio â llaw sydd bellach ar gael o Siop yr Orsaf ym Maenordy Scolton. Hefyd ar gael mae eitemau ffabrig hyfryd

wedi'u gwneud gan Jane. Cadwch olwg am fwy o waith Jane dros yr wythnosau nesaf.

Mae ein peiriant CNC yn cael ei atgyweirio ar hyn o bryd; fodd bynnag, mae ein peiriant laser newydd wedi bod yn cynhyrchu arwyddion gwych wrth i ni archwilio posibiliadau cyffrous eraill ar gyfer ein creadigaethau yn y dyfodol.



DIWYDIANNAU NORMAN CYFARPAR DIOGELU PERSONOL

Lee Adams/Nigel Bevans

Ers mis Medi 2020 rydym wedi bod yn darparu cyfarpar diogelu personol ar gyfer cartrefi gofal a chanolfannau gweithgareddau cymdeithasol ledled ardal Sir Benfro i gyd.

Fe wnaed llawer o waith ar ddechrau'r dasg enfawr hon gan bod rhaid i ni fapio sut i ddarparu'r holl gyfarpar diogelu personol yma o un lleoliad i'r llall mewn ffordd a oedd yn effeithlon o ran amser. Mae ein gyrwyr danfon nwyddau Mark a Pete wedi bod yn gwneud gwaith rhyfeddol yn eu hailgyflenwi'n gyson yn ystod misoedd anodd iawn. Diolch yn arbennig hefyd i'r tîm yn yr Hwb Cyflenwi Darparwyr am gydweithio'n agos gyda ni i sicrhau bod y gwasanaeth yn cael ei ddarparu'n effeithiol ac i safon uchel.



LLYFRGELL O BETHAU (BENTHYCA, TRWSIO, ESTYN)

Nigel Bevans

Lansiodd ein Llyfrgell o Bethau yn ddigidol ar ddechrau mis Ebrill eleni. Mae gennym amrywiaeth o eitemau y gallwch gael eu benthyg am gyfradd resymol. Eitemau megis strimwyr gwair, berfeydd, gemau plant a gasebos! Rhoddion gan y cyhoedd yw'r rhan fwyaf o'n heitemau, eitemau y buont yn berchen arnynt ond nad ydynt n eu defnyddio'n aml iawn neu o gwbl. Os oes gennych unrhyw eitem nad yw'n cael ei defnyddio'n aml iawn neu o gwbl yna gallwch ei rhoi i'r Llyfrgell o Bethau, a gallwch gysylltu â ni ar 01437763650 (Diwydiannau Norman). I greu cyfrif er mwyn i chi allu cael benthyg eitem, ewch at y wefan www.pembrokehirecircle.org a chofrestrwch yn rhad ac am ddim.

Mae ein warws wedi'i lleoli yn y Diwydiannau Norman ond bydd ein gwasanaeth clicio a chasglu wedi'i leoli ar ein safle newydd sy'n agor yr haf hwn, Rhif 5 Glan-yr-afon yn Hwlfordd. Y lleoliad hwn hefyd fydd cartref Caffi Cyfle (gweler y newyddion Arlwy). Felly mae llawer o bethau cyffrous yn digwydd... cadwch olwg...



TACLO TLODI YN Y GWAITH SIR BENFRO

Mark Chesterton

Roedd mis Gorffennaf yn nodi blwyddyn ers sefydlu'r Prosiect Trechu Tlodi mewn Gwaith yn Sir Benfro, ac mae wedi bod yn chwarter eithriadol o brysur gyda thon o atgyfeiriadau newydd a chanlyniadau cadarnhaol trwy gydol y misoedd. Meddai Mary Howes, Goruchwylydd Perfformiad ac Ansawdd y prosiect:

“Rwyf wrth fy modd gyda chynnydd y prosiect gan ein bod wedi cael ein 100fed atgyfeiriad ym mis Gorffennaf, a oedd yn garreg filltir wych i brosiect mor gefnogol.”

Mae'r tîm wedi cyflawni canlyniadau cadarnhaol gyda dau gyfranogwr a oedd yn gweithio yn y Diwydiannau Norman ar gontractau oriau cyfyngedig. Llwyddodd y tîm i ganfod cyfleoedd pellach ar gyfer y ddau gyfranogwr yn y Diwydiannau Norman wrth i gyfyngiadau COVID ddechrau cael eu llacio ac i'r cwmni allu parhau â'i waith gwyh yn ymgysylltu â phrosiectau a gwasanaethau lleol.

Llwyddodd y Tîm Trechu Tlodi mewn Gwaith i ganfod cyfle ar gyfer cyllid yr oedd ei ddirfawr angen trwy'r Cynllun Mynediad i Waith. Fe wnaeth y gwasanaeth gwerthfawr hwn alluogi'r cyfranogwyr i gynyddu eu horiau gwaith gyda chymorth mewn gwaith.

O ganlyniad i hyn mae'r ddau gyfranogwr wedi cynyddu eu horiau trwy'r wythnos waith, sydd nid



yn unig wedi effeithio ar helpu eu sefyllfa ariannol ond sydd hefyd wedi caniatáu rhagor o amser iddynt yn y gweithle sydd wedi cael effaith gadarnhaol ar eu hiechyd meddwl a'u lles.

Aeth Adam, sydd i'w weld yn y llun uchod ym Maenordy Scolton, ymlaen i ddweud:

“Rwyf wir yn edrych ymlaen at yr oriau gwaith ychwanegol; byddaf nid yn unig yn ennill mwy o arian ond bydd hefyd yn fy ngalluogi i gwrdd â phobl newydd”.

Meddai Paul, sydd i'w weld ar y dde yn y llun y tu allan i gyfleusterau'r Diwydiannau Norman yn Hwlfordd:

“Mae'n hyfryd, rwy'n edrych ymlaen gymaint at weithio dros bum niwrnod yr wythnos sy'n rhoi mwy o gyfrifoldeb a mwy o annibyniaeth i mi”.



Fe wnaeth y ddau gyfranogwr ymgysylltu'n eithriadol o dda â'r Prosiect Trechu Tlodi mewn Gwaith yn Sir Benfro, ac rydym yn wirioneddol wrth ein bodd gyda'r canlyniadau cadarnhaol hyn.



**Profiad am Ddiwydiant
Experience 4 Industry**

Hayley Aspinall

Mae E41 wedi cael cwpl o fisoedd prysur iawn yn cefnogi oedolion ifanc gyda gwahanol gyfleoedd gwaith. Rydym hefyd wedi bod yn gweithio gyda gwahanol asiantaethau i roi cymorth i ymweld â phrofiad gwaith fel rhan o'r cynllun Kickstart.

Mae rhai o'n cyfranogwyr wedi cael cynnig cyflogaeth â chymorth, ac maent wrth eu bodd gyda hynny. Rydym hefyd yn disgwyl am ddyddiadau dechrau ar gyfer rhai eraill hefyd.

Os ydych chi'n gwybod am unrhyw un arall y mae angen ein cefnogaeth ni arno/arni, cysylltwch â Hayley ar 07824522471.

Ymunodd gŵr ifanc o'r enw Iestyn â'r Diwydiannau Norman yn 2018 ar gynllun prentisiaeth trwy Futureworks. Mae wedi llwyddo i ddysgu defnyddio peiriannau modern, sef torrwr CNC ac argraffydd 3D ac mae bellach yn gwbl alluog i wneud eitemau gwyh.

Rydym bellach mewn sefyllfa i allu cynnig gwaith am dâl i Iestyn, gyda golwg ar drefnu ei fod ef yn dysgu i eraill sut i ddefnyddio'r peiriannau.

Fe hoffem ni yn E41 ddymuno llwyddiant i ti yn y dyfodol, yn helpu eraill i ddysgu gen ti.



Stori Newyddion Da: Richard

Cafodd Richard ei atgyfeirio at Gweithffyrdd+ gan y Ganolfan Waith ar ôl absenoldeb hirdymor o fyd gwaith a oedd wedi effeithio ar ei hunanhyder. Dechreuodd weithio gydag Andrea i gofrestru ar y prosiect ac adnabod y rhwystrau i waith. Ar y dechrau treuliodd Andrea a Richard sawl sgwrs yn siarad am sut roedd Richard yn teimlo ynglŷn â mynd nôl i fyd gwaith ar ôl bod yn edrych ar ôl ei rieni am flynyddoedd.

Roedd Richard yn frwdfrydig iawn ynglŷn â rhoi cynnig ar gymaint o gyfleoedd gwahanol ag y gallem eu cynnig iddo. Roedd wedi siarad gyda'i anogwr yn y Ganolfan Waith am y posibilrwydd o gwblhau ei gymhwyster IOSH fel cam cyntaf da, gan y byddai hyn yn rhoi

cefnidir da iddo mewn lechyd a Diogelwch a fyddai'n cwmpasu llawer o wahanol amgylcheddau gwaith.

Cwblhaodd Richard ei gymhwyster IOSH ym mis Ebrill. Yn dilyn y profiad cyntaf cadarnhaol iawn hwn o hyfforddi, fe wnaeth Richard a'i fentor weithio gyda'i gilydd ar restr o hyfforddiant y fyddai'n ei alluogi i symud ymlaen yn ei fywyd gwaith a'i fywyd gwirfoddoli. O ganlyniad i hyn fe gwblhaodd ei gymhwyster Lefel 2 mewn Diogelwch Bwyd. Mae Richard yn edrych ymlaen yn awr at ehangu ei sgiliau a chwblhau cyrsiau mewn Cymorth Cyntaf a Gofal Cwsmeriaid.

Gan bod Richard yn ansicr sut allai weithio a hawlio Credyd Cynhwysol fe gysylltodd Andrea â 'Cyngor ar Bopeth' ac fe wnaethant hwythau gwblhau Cyfrifiad 'Gwell ei Fyd' ar ei gyfer.

Er mwyn rhoi'r sgiliau hyn ar waith a sicrhau bod y cymorth yn canolbwyntio ar chwilio am swydd, atgyfeiriwyd Richard at Swyddog Cyswllt Cyflogaeth (SCC), TJ. Gyda'i gilydd, fe weithion nhw ar amlygu sgiliau trosglwyddadwy ac i ymgeisio am waith mewn sectorau a oedd o ddiddordeb. Cafodd Richard gymorth i ddeall y farchnad waith leol, creu CV wedi'i ddiweddarau ac ymgeisio am swyddi.

Roedd Richard yn brin o hyder wrth ddefnyddio TG, felly cofrestrodd ar gwrs llythrennedd digidol a'i helpodd i gynyddu ei sgiliau chwilio am waith a theimlo'n fwy hyderus wrth ychwanegu nodiadau at ei ddyddlyfr Credyd Cynhwysol ar gyfer ei anogwr gwaith. Yn fuan ar ôl dechrau chwilio am waith, cafodd Richard swydd mewn lleoliad prysur yn y sector lletygarwch. Mae Richard yn hapus iawn ei fod mewn gwaith ac mae wedi siarad am gymorth mewn-gwaith pellach gyda'i gyflogwr a'i SCC. Dyma'r hyn sydd gan Richard i'w ddweud am y cymorth y mae wedi'i gael.

“ Mae Gweithffyrdd wedi bod o gymorth mawr i mi, rwyf wedi dechrau meddwl mwy am fy nyfodol. Mae gweithio gydag Andrea wedi fy helpu i beidio â meddwl am bethau eraill. Maen nhw wedi bod yn fy helpu gyda'r cyrsiau a chyda hawlio Credyd Cynhwysol. Mae fy anogwyr gwaith yn gwybod fy mod yn gweithio gyda Gweithffyrdd ac maen nhw wir yn hoffi hynny. ”

Mae Richard yn ymgartrefu'n dda yn ei swydd, ac roedd gan Karen yn y 'New Overlander' bethau cadarnhaol iawn i'w dweud am eu gweithiwr newydd:-

“ Mae Richard wedi bod yn gweithio i ni am ychydig wythnosau bellach ac mae wedi ymgartrefu'n dda iawn fel rhan o'r tîm. Mae wastad yn brydlon ac yn ddibynadwy ac



*yn gwneud y tasgau yr ydym yn
gofyn iddo'u gwneud. Doeddwn i
ddim yn ymwybodol o
Gweithffyrdd cyn i ni gyflogi
Richard, ond byddwn yn sicr yn
cadw mewn cysylltiad gyda golwg
ar gyflogi mwy o staff.*

”



Dathlu Llwyddiant!

Rydym yn falch iawn i gyhoeddi bod Rhaglen Cyflogaeth â Chymorth Cyngor Sir Penfro wedi cael ei rhoi ar restr fer Gwobrau LGC 2021 yn y categori Amrywiaeth a Chynhwysiant. Mae ein henwebiad yn dathlu'r gwaith gwych y mae pawb wedi bod yn ei wneud i gefnogi a hybu hawl pobl i gyflogaeth â thâl a darganfod ffyrdd arloesol o oresgyn y rhwystrau i gael swydd mae cymdeithas yn eu rhoi yn ffordd pobl â nam neu wahaniaeth.

Mae'r rhaglen yn arloesol, nid am bod elfennau unigol yn newydd neu'n rhai na roddwyd cynnig arnynt ond oherwydd ei bod wedi dod â llawer o ddulliau profedig ynghyd mewn rhaglen strategol

sy'n alinio amcanion ar draws sawl agenda. Partneriaeth yw'r rhaglen rhwng yr awdurdod lleol, nid dim ond gofal cymdeithasol ond hefyd ein hadrannau addysg, hamdden a adfywio, ein bwrdd iechyd lleol a'r trydydd sector a'i bartneriaid. Mae'r rhaglen hon yn rhan bwysig o'n cynllun gweithredu ar gyfer cydraddoldeb, sy'n ysgogi cynnydd o ran cyflogi pobl anabl ar draws yr awdurdod lleol, nid dim ond yn y rhaglen ei hun.

Wrth feddwl am y peth felly - rydych chi i gyd yn haeddu'r enwebiad a'r llwyddiant, felly da iawn!!

Mae'r gwobrau LGC yn cydnabod cyflawniad 1500 o gynghorau llywodraeth leol ledled y Deyrnas Unedig, felly mae bod yn 1 o 8 cyngor i gyrraedd y rhestr fer yn llwyddiant rhyfeddol ynddo'i hun. Y cam nesaf yw ymweld â Llundain i gyflwyno ein prosiect ar y 24 Medi. Felly dymunwch lwc i mi.

Bydd yr enillwyr yn cael eu cyhoeddi mewn seremoni wobrwyo yn mis Tachwedd.

Supported Employment Opportunities

